

Ständig unterwäggs

musik/text: t. garcia

i be ständig unterwäggs ond i ha s'gfüel, i chämi ergendwie nie aa
i be ständig onder strom, ond i be emmer weder chorz bevor
i überhole vor mer alli, doch be trotzdem weder hendenoo
i füel mi emmer z'schpoot, weiss ned, wie lang's so wiitergoht

s'chaos esch perfekt, weiss ned wo's dore goht
alles dronder ond dröber, füel mi emmer z'schpoot
i wott frei sii, eifach frei sii

doch i be ständig am rotiere, mache dore, i be emmer uf de bei
i kenne do ond det no öpper, be a mängem ort uf dere wält dehei
i füel mi emmer z'schpoot, weiss ned, wie lang's so wiitergoht

s'chaos esch perfekt, weiss ned wo's dore goht
alles dronder ond dröber, füel mi emmer z'schpoot
i wott frei sii, eifach frei sii

i be ständig unterwäggs ond i be emmer hendenoo
i mache ständig öppis neus ond i be emmer ergendwo
's esch fasch onaaständig, wenn i ergendnöime bliibe stoh

i ha ständig öppis z'tue, doch i ha leider sälte vell devo
i be ständig unterwäggs, doch i bliibe emmer stoh

s'chaos esch perfekt, weiss ned wo's dore goht
alles dronder ond dröber, füel mi emmer z'schpoot
i wott frei sii, eifach frei sii